

中国公共图书馆古籍文献珍本汇刊·史部

明抄本万历起居注



中国公共图书馆古籍文献珍本汇刊·史部

明抄本万历起居注(十五)

全国图书馆文献缩微复制中心

明抄本万历起居注目录（十五）

万历三十七年上		一
万历三十七年下		一九一
万历三十八年		四六三
万历四十一年		六四九

萬曆三十七年正月



大學士葉向高謹

題茲遇

正旦令節臣恭詣

宮門外叩頭

慶賀伏蒙

皇上遣司禮監太監成敬等管待

頒賜臣燒割一分酒飯一卓甜食一小盒伏薑一盒

硬糖餅一盒絲窩糖一盒臣頓首祇領不勝感

戴

天恩之至謹具題謝



恩

是日大學士李廷機葉向高謹

題伏蒙

皇上以

正旦令節

頒賜上尊珍饌臣等頓首謝

恩

是日大學士李廷機葉向高謹

題伏蒙

皇上以

立春令節

頒賜上尊珍饌臣等頓首謝

恩

九日壬辰大學士李廷機等謹

題談文書官冉登傳出

聖諭朕第五子瑞王年已長成理宜婚配欽此臣等
仰見我

皇上福履阜隆

本支昌熾乘此陽和布令之時復有桃葉宜家之
慶真

宮闕之盛事而奕世之洪休也臣等謹即傳諭禮部遵行所奉

聖諭尊藏內閣謹具回

奏以

聞

是日大學士葉向高謹

題今日臣入直忽聞街市喧擾安定得勝二門百姓扶老携幼爭入避虜臣隨遣人問之兵部乃知達虜在邇講賞而民間訛言致此擾動雖事本無實而虜賊窺伺人心警皇之情狀亦槩可

見矣。薊鎮去京師甚近，虜衆動稱數萬，我守邊軍皆饑寒窮困，勢必不支，萬一潰邊而入，其抵國門在呼吸聞耳。夫知安今日之訛傳，不為他日之實事乎？都下人民以商役破家，一有事變，衆皆離心，誰為

國家效守禦之力？而兵部戎政兩署只李化龍一人，雖其威望才猷真堪倚任，而軍旅一動，凡百倥傯，一人之身何以荅應？況化龍今尚卧病，未能出門，此皆臣之所甚慮也。大僚當補臣已屢請

皇上縱未盡允亦望將兵部兩侍郎先行
檢發使緩急有人不至臨時失措此實今日萬不容
已之急務矣至于戶部錢糧苦稱匱乏只有老
庫八萬即使盡發所濟能幾而太僕寺雖尚存
少許警急之時又須買馬臣誠不知其計之所
出也不勝杞憂冒昧上

聞伏望

聖明留神省覽臣不勝悚息祈懇之至

十一日甲午大學士李廷機謹等

題臣等昨奉

聖諭朕第五子瑞王年已長成理宜婚配欽此臣

等隨具揭回

奏查得

福王婚禮有

勅書一道發下禮部遵行臣等恭撰

勅稿呈

覽伏乞

聖明裁定謹題請

旨

是日

皇帝勅諭禮部

朕第五子瑞王年已長成理宜婚配你禮部便出
榜曉示京城內外官員軍民人家父母行止端莊
家法整齊女子年十四至十六容貌端潔德性純
美言動威儀咸合禮度者許赴官報名聽候選擇
應行事宜你禮部便開具來看故諭

十二日乙未大學士葉向高謹

題今日蒙

發下署兵部尚書李化龍一本令臣票擬談文書官

口傳

聖諭內庫缺乏難以給發臣連日與戶兵二部臣計
議此事皆云大倉已空民間^雖少有拖欠皆以災
傷難追且難應目前自

發帑之外更無別策而今日薊鎮督臣王象乾又以
書遺臣極言虜情急迫軍士飢餒非但不能禦
虜而且生變中外人情惶惶岌岌朝不謀夕皆
歸罪于臣謂坐觀事變誤

國負恩臣展轉思惟無以自解若

聖意必難帑發則必有別項措處足救此急而後可
不然虜窺于外軍變于內

宗社之憂非臣所敢任也。今臣且據此疏所請申飭京營添設哨探事擬上其

發帑一節更望

聖明再三籌度。今日事勢是否危急。該部庫藏是否空虛。別有何項錢糧可以動用。或暫借

帑金令其日後補還

諭臣再擬庶可以塞談部之請而紓目前之禍患矣。臣萬不得已乃為此言非敢違

君父之命也謹具題以

聞

是日大學士李廷機等謹

題臣等竊惟

東宮輟講已踰四年臣等每遇春秋無不懇請䟽
揭頻煩其辭已窮竭而無所復措矣天下之人
但知

皇上之愛

皇太子遠過于古之帝王而不知其所以難于講
學者出于何故即臣等備員密勿亦茫然莫測
聖意之所存也以為勞乎則平明而出昃晷而入不
為勞也以為

睿德之已成乎則怠惰荒寧古人所戒不可以既
成而遂輟也臣等亦知我

皇上宮中之教導時勤

皇太子之服習不急然豈能如開銅龍親講席其
功夫有常而精神尤為奮勵哉且人當盛年兀
坐一室則血氣脉理無所動盪既非所以養身
而耳目心志有所遷移又將至于導欲此皆臣
等之所深慮而

皇上亦必念及者也今歲春氣和煖勝于往年正宜
講學臣等查得本月二十四日二十七日皆吉

伏望

欽定一日以便遵行謹題請

旨

十五日戊戌大學士葉何高謹

題臣待罪綸扉日夕兢惕惟誤

國負

恩是懼竊觀臘月以來章疏差通外僚及補仰見

聖明留神治理太平可望中外臣民不勝欣幸惟是

政本重地臣庸愚之資加以孤立鞭策不堪顛

覆可俟頃者屢疏懇請未蒙

允發顓望之私以日為歲今邊事方殷物情震動本
月初九日城外人民訛言相驚九門晝閉臣即
揭請

點用兵部侍郎及為戶部訴錢糧匱乏之苦而候
旨數日尚自杳然臣連日接諸臣疏揭及為此事其
亮臣者或以臣伎倆雖窮而處心亦苦其不亮
臣者若以近來凡事壅塞皆臣等漫然無所匡
救臣每讀之且愧且憂徬徨咨嗟茫然不知其
計之所出也姑無論其他即錢糧一事臣等披
瀝祈求不知凡幾竊觀時勢非但內者不出且